

5/98 IRIZPENA**EUSKAL HERRIKO AUTONOMIA ERKIDEGOKO GIZARTE EKONOMIAKO ENPRESEN
BAZKIDETZE-MAILAKO EGITURAK ERATZEKO ETA FINKATZEKO LAGUNTZAK EZARRI
DITUEN DEKRETUARI BURUZKO IRIZPENA**

Ekainaren 27ko 9/1997 Legeak Euskadiko Ekonomia eta Gizarte Arazoetarako Batzordeari eratzitako eskumenekin eta haren Funtzionamendu Araudian ezarritako prozedurarekin bat etorririk, eta Osoko Bilkurak 1998ko uztailaren 1eko akordioaren arabera eskuordetuta, Euskadiko Ekonomia eta Gizarte Arazoetarako Batzordearen Batzorde Iraunkorrak, 1998ko uztailaren 22ko bileran, aho batez honako hau onetsi du:

IRIZPENA**1.- AURREKOAK**

1998ko ekainaren 29an sartu zen Euskadiko Ekonomia eta Gizarte Arazoetarako Batzordean Justizi, Ekonomi, Lan eta Gizarte Segurantzaren Sailaren idazkia. Idazki horren bitartez, sail horrek Euskal Herriko Autonomia Erkidegoko Gizarte Ekonomiako enpresen bazkidetze-mailako egiturak eratzeko eta finkatzeko laguntzak ezarri dituen Dekretuari buruzko txostena eskatu zuen, Euskadiko Ekonomia eta Gizarte Arazoetarako Batzordearen ekainaren 27ko 9/1997 Legearen 3.1.b) artikuluan ezarritakoarekin bat etorririk.

Dekretu horrek apirilaren 8ko 74/1997 Dekretua du oinarri. Azken dekretu horren bitartez ezarri ziren Euskal Herriko Autonomia Erkidegoko Gizarte Ekonomiako enpresen bazkidetze-mailako egiturak eratzeko eta finkatzeko laguntzak.

1998ko uztailaren 1ean eman zitzairen Eusko Jaurlaritzatik jasotako dokumentazioaren kopia Kontseiluaren Osoko Bilkurako kideei.

Halaber, 1998ko uztailaren 1ean Kontseiluaren Osoko Bilkurak beharrezko txostena onesteko ahalmena Batzorde Iraunkorrari eskuordetzea erabaki zuen.

1998ko uztailaren 15ean lan-bilerara bildu zen Gizarte Garapenerako Batzordea. Irizpen-proposamena egin zuen. Proposamen hori Batzorde Iraunkorrari bidali zitzaion eta batzorde iraunkor honek, 1998ko uztailaren 22ko bileran, hura aho batez onetsi zuen.

II.- EDUKIA

Euskal Herriko Autonomia Erkidegoko Gizarte Ekonomiako enpresen bazkidetze-mailako egiturak eratzeko eta finkatzeko laguntzak ezarri dituen Dekretuaren testuak honakook ditu osagai: erakusketa orokorra, hamasei artikulua, Xedapen Gehigarri Bakarra eta 4 Bukarako Xedapen.

Zioak erakustea:

Zioen erakusketara bilduta dagoenez, elkartze kooperatiboaren eta lan-sozietateen gizarte-ekonomiazko egoerak, Euskadikoak, beren autofinantzaketa hobetzeko egindako ahaleginak gora-behera, elkartzezko egituren finantzaketa partzialeko programari eustera behartzen du, haiek autofinantzaketa mailari eutsi edo berau gehituz gero.

Beste alde batetik, bertan adierazita dago nola ezarri duen azaroaren 11ko 1/1997 Legegintzazko Dekretuak dirulaguntzak araupetzen dituzten arauak izan behar duten gutxieneko edukia. Hori dela eta, aurkeztutako Dekretuak gauza berri horiek sartu ditu. Aipatutako Legegintzazko Dekretuaren bitartez onetsi ziren Euskal Herriko Ogasun Orokorraren Abiaburu Antolatzaileak.

Artikulu eta xedapenak:

1. artikulua Dekretuaren helburua zehazturik du. Dekretuaren helburua honako hau da: Eusko Jaurlaritzak Gizarte Ekonomiako Erakundearen bazkidetze-mailako egiturak eratzeko eta finkatzeko 1998an zehar eman ahalko dituen laguntzak araupetzea. Horretarako, erakunde horiek nortasun juridiko berezia izan eta izaera bereko enpresekin edo erakundeekin lotu behar dute, beraien amankomuneko interesak ordezkatu eta defendatzeko. Era berean, EHAEkoak izan behar dute.

2. artikulua Dekretuaren jomuga ezarri du. Bertan adierazitakoari jarraituz, haren jomuga legeak eta Estatutuak esleitutako helburuak betetzeko beharrezkoak diren egitura-gastuen finantzaketa partziala izango da, Gizarte Ekonomiako Zuzendaritzak 1998ko ekitaldirako aurkeztu eta onesten duen plangintzaren arabera.

3. artikulua Dekretuko laguntzak jaso ditzaketen erakundeak zehazturik ditu.

4. artikulua zehaztuta daude dirulaguntzen zenbatekoa eta berau zehazteko irizpideak. Bertan nabarmenduta dago Gizarte Ekonomiako Zuzendaritzak onesten duen plangintzan ezarritako gastuen finantzaketa, fondo galdukoa eta, gehienez, %50koa. Artikulu horretan erakunde eskatzaile bakoitzeko ezarri den gehieneko zenbateko osoa, laguntzarena, 17 milioi pezetakoa da. Beste alde batetik, bertan adierazita daude dirulaguntzaren zenbatekoa zehazteko kontutan hartuko diren irizpideak.

5. artikulua ezarrita dago zergei, gizarte segurantzari eta herri dirulaguntzei lotutako betebeharrak bete beharra.

6. artikulua laguntzen erakunde onuradunek bete behar dituzten betebeharrak zehazturik ditu. Bertan adierazita dagoenaren arabera, diruz lagundutako jarduera azaltzen duen Memoria aurkeztu behar da beharrezko frogagiriekin batera. Era berean, bertan nabarmenduta dago destinoa eta aplikazioa lotura-bermeen bitartez bermatu beharra,

abenduaren 17ko 698/1991 Dekretuan eta Euskal Herriko Ogasun Orokorraren Abiaburu Antolatzaileei buruzko Legearen Testu Bateratuan ezarritakoaren arabera.

7. artikulua Dekretuaren laguntzek erakunde onuradunak jasotzen dituen helburu eta jomuga bereko beste dirulaguntza edo laguntza batzuekin izan dezaketen bateragarritasuna araupeturik du. Gaindikinarene bateraezintasuna nabarmenduta dago bertan. Hala denean, Dekretua aplikatzearen emandako laguntza txikituko da.

8. artikulua ezarrita daude eskabideak aurkezteko era eta epea.

9. artikulua zehaztuta dago Dekretuan ezarritako onuren menpean jarri nahi duten erakundeek aurkeztu behar duten manuzko dokumentazioa.

10. artikulua aipatuta daude eskabideetako akatsak zuzentzeko ezarritako arautegia eta, hala denean, beharrezko espedienteen artxiboa.

11. artikulua zehaztuta dago Dekretura bildutako laguntza-deialdiaren kudeaketa-, ebazpen-, errekurso- eta publizitate-prozedura.

12. artikulua aipatuta dago dirulaguntza ordaintzeko era. Bi epe ezarrita daude horretarako. Dirulaguntza justifikatzen duten beharrezko agiriak aurkeztu beharra aipatuta dago bertan.

13. artikulua aipatuta daude Dekreturako baliabide ekonomikoak eta berauen muga. Artikulu horrek Euskal Herriko Autonomia Erkidegoko Aurrekontu Orokorreran horretarako ezarritako aurrekontu-partidetara bidaltzen gaitu.

14. artikulua aipatuta dagoenez, dirulaguntzako baldintzak aldatu ahal dira, haren helburua betetzat emanez gero. Horrek laguntzak emateari buruzko Ebazpena aldaraztea ekarri ahalko du. Aldarazpen horrek emandako dirulaguntzen zenbatekoak doitzea ekarriko du.

15. artikulua aipatuta dago dirulaguntzaren helburua, baldintzak eta xedea ez betetzea eta dirulaguntzaren zenbatekoaren itzultze posiblea. Era berean, artikulu horrek kontutan harturik du abenduaren 17ko 698/1991 Dekretuan eta Euskal Herriko Ogasun Orokorraren Abiaburu Antolatzaileei buruzko Legearen Testu Bateratuan ezarritakoa.

16. artikulua aplikatu ahal diren arauak bete ezean emandako dirulaguntza itzultzeko prozedura araupeturik du.

Lehenengo Xedapen Gehigarriak adierazitakoaren arabera, epealdi batean probatzen edo bazkidegai gisa ibili ostean eskubide osoko bazkide bezala sartzen diren pertsonen Dekretuko laguntzak atzitu ahalko dituzte.

Xedapen Gehigarri Bakarrean Dekretuak diruz lagundutako kosruak sartzen dituzten langile-gastuei buruz aipatuta dagoenez, dirulaguntza kalkulatzeko ez da kontutan hartuko abenduaren 23ko 21/1997 Legean finkatutakoa baino ordainsari-gehikuntza handiagorik, Euskal Administrazioaren zerbitzurako langileentzako. Lege horren bitartez onetsi ziren Euskadiko Autonomia Erkidegoaren 1998 ekitaldirako Aurrekontu Orokorrak.

Lehenengo Bukaerako Xedapenak Dekretuaren kontra aplika daitekeen administrazioarekiko auzibideko errekurso-prozedura ezarri du.

Bigarren Bukaerako Xedapenak Dekretuan ezarrita ez dauden gauzetan aplikatu ahal den araubide ordeztalea ezarriko du.

Hirugarren Bukaerako Xedapenak Justizi, Ekonomi, Lan eta Gizarte Segurantzza Saileko buruari ahalmena eman dio Dekretua garatzeko eta betearazteko beharrezkoak diren xedapenak hartzeko.

Laugarren Xedapen Gehigarriak zehazturik duenez, Dekretua berau Euskal Herriko Agintaritzaren Aldizkarian argitaratzen den egunaren biharamunean jarriko da indarrean.

III.- OHARRAK

Euskadiko Ekonomia eta Gizarte Arazoetarako Batzordeak nabarmentzen duenez, Kontseiluari eratzitako eta 9/1997 Legea behar bezala bildutako eskumenak oinarri harturik, beharrezkoa da Erakusketaren laugarren ahapaldian Euskadiko Ekonomia eta Gizarte Arazoetarako Batzordea Justizi, Ekonomi, Lan eta Gizarte Segurantzza Saileko buruak entzundako kontsulta-organo bezala berriaz aipatzea.

IV.- ONDORIOAK

Kontsulta-organoa den Euskadiko Ekonomia eta Gizarte Arazoetarako Batzordeak Euskal Herriko Autonomia Erkidegoko gizarte ekonomiako enpresen bazkidetze-mailako egiturak eratzeko eta finkatzeko laguntzak ezarri dituen Dekretuaren tramitazioa egokietsi du.

Bilbon, 1998ko uztailaren 22an

OE Burua,

Idazkari nagusia,

Javier Mongelos Oquiñena

Javier Hernández Bilbao